


# 中州集



漢書門				
一	八	二	八	九
冊	架	函	號	類

三

內閣文庫				
三	八	二	八	九
函	架	冊	號	類

內閣文庫	
番號	漢 11285
冊數	10 ( 3 )
函號	358 77





中州集姓氏總目

淺草文庫



第三卷

劉龍山仲尹二十八首

劉記室迎七十六首

許內翰安仁六首

承旨党公六十五首

黃華王先生庭筠二十八首

禮部閒閒趙公秉文六十三首

中州集

卷三總目

卷三總目





中州集卷第三姓氏總目終

中州集目錄  
第三卷

劉龍山仲尹 二十八首

墨梅十首 自理

西溪牡丹 秋盡

晚陰 冬日

寒夜 秋日東齋

窗外梅蕾二首 初秋夜涼



謝孔遵席後堂画山水圖

別墅二首  
龍德宮

酴醾  
夏日

不出  
一室

劉記室迎七十六首

淮安行  
脩城行

河防行  
晉照旃檀像舊物也

中興集曰方丈老人比以見還作詩謝之

梁忠信平遠山水  
連日雪惡用聚星堂

雪詩韻  
徐夢弼以詩求蘆菴

輒次來韻  
再次前韻

鮫魚  
樓前曲

題十省圖  
雲中君圖

楚山清曉圖  
題劉德文戲綵堂

送劉德正  
盤山招隱圖

寄題禹城孫氏茂德亭



郭熙秋山平遠用東坡韻

南口 晚到八達嶺下達旦

乃上 出八達嶺

隰川 上谷

蔡有隣碑 車轆轤

沙漫漫 摧車行

敗車行 數日冗甚懷抱作惡

作詩自遣 寄題安崑起官舍北

溟 莫州道中

上施內翰 題吳彥高詩集後

代王簿上梁孟容副公二首

清明前十日作 會聞丘文晚集慶壽作

詩戲之 明日復會客普照經

呈此詩去及瓜不數日矣

觀古作者梅詩戲成一章

秋郊馬上二首 贈人





別後有懷元濟

贈董丞秉國

聞彥美服藥以詩問訊

和人七夕韻

海上

次曹次仲韻回以自感

寒食阻雨招元功會話

次韻諸園不暇游覽

自解

陪諸友登三山亭二

首

秋郊

次劉元直韻二首

次韻夜雨

代人憶舊

梅

題雪浦人婦圖

婦來圖戲作

城南庵

書何維楨見贈詩後

寄題蘄丘僧房

虛春亭

雨後山莊集

題婦去來圖

過關渡水圖

寄題孔德通東園

次韻鄺元與贈于元直道舊二首



彥美生朝

張宣戲嬰圖

河橋

昌邑道中

題仲山枝巢

許內翰安仁 六首

望少室

送二道者歸汾州

草木蟲魚詠二首

少室道中

遊泰安竹林

承旨党公 六十五首

穆陵道中二首

瓊花木后土像

君錫生子四月八日

立春

端午日照道中

夏日道出天封寺

龍池春興

宿宣灣

黃彌守画吳江新霽

圖

雪中四首

雪

蟬

漁村詩話圖

曉雲次子端韻



送高智姊歸濟南 日照道中

夜發蔡口 西湖晚菊

西湖芙蓉 浪溪別吳安雅

奉使行高郵道中二首

孤雁集句 黃菊集句

金山 趙飛燕寫真

村齋遣事 和張德遠伐松之什

題獐猿圖 和濟倅劉公傷秋

題春雲出谷圖 新泰縣環翠亭

喜雨 睡覺門外月色如晝

霜風過翠然成聲作一絕

題張維中華山圖 題馬賁畫鷓鴣圖

書因林北軒壁 和元卿郊行

世華將有登州之行作詩送之

維密道中懷古 過崇黎溝

响山驛亭阻雨 平石曼卿



响山道中三首

應制粉紅雙頭牡丹

二首

次文孺韻

白莊道中

花品

上皇書扇後

送崔深道東歸

和道彥至

楚清之画樂天小娃

撐小艇偷采白蓮回不解歲踪跡浮萍

一道開詩回題其後

寄賈回琳

題大理評事王元老

雙橋堂

宿舊縣四更而歸道

中撫所見作行路難

途中

徐茂宗蝸舍

壬辰二月六日夜夢作一絕句其詞曰矯

兀連天花春風動光華人眠不知眠我

佩絳紅霞夢中自以為奇絕覺而息之

不能自曉故作是詩以紀之

黃華王先生庭筠二十八首



楊祕監下槽馬圖 書西齋壁

八月十五日過泥河見雁

示趙彥和 大安寺試院中寒食

獄中賦萱 獄中見燕

借樂亭 野堂二首

韓陵道中 絕句

孫氏午溝橋亭 送士選山東外臺判

官 張禮部溪山真樂圖

內鄉浙江張浮休窪尊為二兄賦

超化寺 舍利塿

夏日 中秋

被責南歸至中山 送子貞兄歸遼陽

采蓮曲 秋郊

憶澗川 夏日

河陰道中二首

禮部閒閒趙公秉文 六十三首



雜擬三首

花下墓

恂王右丞獨坐幽篁裏

和陶淵明擬古五首

中秋

送雷希顏赴涇州錄

事李君美治中公解南樓坐中作

魯直烏絲欄黃庭

同粹中師賦梅

游華山寄元裕之

和淵明飲酒九首

和韋蘇州秋齋獨宿

擬兵衛森画戟

寄王學士子端

上清宮二首

寄陳正妹

寄裕之

古餅臘梅

算春得寒字

靈感寺

五月牡丹應制

代州

開元寺

謁北嶽

陪李舜咨登憫忠寺閣

廬州城下

白雁



桃花島寄王伯直 郎山馬耳峰

春遊三首 算婦

清居寺五杉亭觀子野留題

雞鳴山 盧溝

雨晴二首 寓望

戴花 玉堂

夏至 華山

雨晴 昭事

同樂園二首 繫舟山圖

虎牢



中州集卷第三目錄終

中州集卷第三

丙集

劉龍山仲尹 十八首

仲尹字致君蓋州人後遷沃州正隆二年

進士以潞州節度副使召為都水監丞卒

致君家世豪侈而能折節讀書詩樂府俱

有蘊藉有龍山集嘗於其外孫欽林處見

之叅陪翁而得法者也

墨梅一十首

中州集

卷之三



瘦損昭陽鏡裏春漢家公主奉烏孫淚痕滴盡穹廬月誰道神香解返魂

又

絕纓人醉燭花殘玉意方濃未獸歡十五瓊兒梳洗薄琵琶才許近簾彈

又

生憎施粉與施朱換骨玄都亦自姝疎影冷香題不到夢驚煙雨暗西湖

又

趙郎愛香人不知羅浮山下有佳期春寒徹骨角聲起才記參橫月墮時

又

君王鳳駕九龍池後輦傳呼召雪兒狼藉玉臺銀燭暗下香小麝印宮眉

又

鍾鼓沉沉度苑牆玉繩初直殿東廟荀妃早發雞



鳴埭殘月微分燭下粧

又

衡州何處問花光  
抹月扯風只欠香  
安得江南斷  
勝句為題風雨浣啼粧

又

高髻長蛾滿漢宮  
君王圖玉按春風  
龍沙萬里玉  
家女不著黃金買画工

又

古絹誰藏謝女真  
天寒翠袖一招蒐  
江山嫁盡風  
流夢雪滿冰溪月挂村

又

妙画工意不工俗  
老子見面只尋香  
未應塗抹相  
欺得政自不為時世粧

自理

日日南軒學蠹魚  
隱中獨愛隱於書  
兒癡婦笑謀  
生拙不道從來與世疎



西溪牡丹

爲雲爲雨定成虛  
醉臉籠嬌試粉初  
舉國春風避  
魏換胎天質到黃  
徐百年金谷憑欄袖  
三月揚  
州載酒車我欲禪居  
淨餘習湖灘枕石看  
游魚

秋畫

利祿蝸涎壁年華蟻  
夢槐秋隨庭樹老寒  
逐雁聲  
來養性論三適分愁  
詠七哀閉門人客少  
書籍遠  
床堆

晚陰

歲滂饒秋雨雲寒結  
暝陰晚芳番凍蝶疎  
木立飢  
禽閒覺交游減衰從  
老病尋安眠恐微倖  
底用說  
初心

冬日

刁騷短髮鑷還生鏡  
裏形骸只自驚睡枕  
食槃翻  
歲月頭風股痺識陰  
晴鳩棲任笑謀生拙  
免簡難  
忘照眼清不用暖爐  
公庫酒試容攤被聽  
雞聲



寒夜

漏聲穿竹夜霜清  
儘著功夫伴短檠  
睡足梅花半  
梢月虛徐老鼻學香生

秋日東齋

一區寂莫子雲家  
便腹那能貯五車  
筋力只今如  
老鶴筆頭新愛縮  
秋蛇樹間風定葉  
漫徑籬外雨  
寒梅著花勝日一  
尊能笑客更須官  
鼓候晨撾

窗外梅蕾二首

玉兒秀穉雲幄蔽  
鼻觀已覺餅水香  
過眼空花均  
一寓十分春色屬  
秋堂

又

細蕾初看柳麥肥  
春風行得遠窗扉  
道人方作玉  
溪夢石塢竹橋風  
雪飛

初秋夜涼

小蟲機杼月西廂  
風雨纔分半枕涼  
白髮自疎河  
漢夢一瓶秋水玉  
簪香



謝孔遵席後堂画山水圖

後堂踞秀隱居

家在龍沙弱水東  
竭來塵世笑春風  
都将天外蓬壺景  
漏作人間画手工  
玉腕雪迴犀管細  
寶煤香散鳳綃空  
只應大地山河影  
常記飛鸞下月中

別墅二首

墻根雨大土花碧  
秋筍寒添一兩莖  
愛買僻書人笑古  
痛憎俗事自知清  
黃花催織鈿鈿出  
白髮欺人故故生  
鱣粥年來我稍具  
歌隨鞍馬逐浮名

又

風雨驅寒入弊裘  
閒齋氣味冷颼颼  
年華過眼驚飛鳥  
利祿催人窘替郵  
竈下旋添温坑火  
床頭剩買讀書油  
可人誰似黃夫子  
著意裁詩寄四休

龍德宮

碧拱朱甍面面開  
翠雲稠疊鎖崔嵬  
連昌庭檻渾栽竹  
罨画溪山半是梅  
藻井香銷塵化網  
銅欄秋澁雨番苔  
只應千古華清月  
狼藉春風媿露臺



西齋醮醮

相看絕似好交友著眼江梅季孟中海窟笙簫來  
鶴背月林冰雪繞春風滿前玉藥名尤重特地梨  
花夢不同安得涪翁香一瓣種成聊供小南豐

夏日

床頭書冊聚麻沙病起經旬不煮茶更爲炎蒸設  
方畧細烹山蜜破松花

不出

好詩讀罷倚團蒲唧唧銅餅沸地爐天氣稍寒吾  
不出攪瑜分坐與狸奴

一室

老來湖海媿陳登只有頭鬚未是僧坐對黃昏鍾  
鼓定竹根吹火上吟燈

欽叔所傳少時豪氣愛陳登老去真成有髮僧

劉記室迎

七十六首

迎字無黨東萊人初以廕試部掾大定十  
三年用薦書對策爲當時第一明年登進



士第除函王府記室改太子司經顯宗特  
 親重之二十年從駕涼陞以疾卒章宗即  
 位錄舊學之勞賜其子國樞進士第無黨  
 自號無諍居士有詩文樂府號山林長語  
 詔國學刊行

淮安行

淮安城僻空樓櫓風雨半推雞糞土傳聞兵火數  
 年前西觀竹間藏乳虎迄今并邑猶荒涼居民生

資惟推場馬軍步軍自來往南客北客相經商邇  
 來戶口雖增出王戶中間十無一里閭風俗樂過  
 從學得南人煮茶喫青衫從事今白頭一官乃得  
 西南陬宦游未免簡書畏婦去更懷門戶憂世緣  
 老矣百不好落筆尚能哦楚調從今買酒樂昇平  
 爛醉歌呼客神廟

脩城行

淮安城郭真虛設父老年前向予說築時但用雞



中州集 卷之三  
八  
糞土風雨即摧乾更裂祗今高低如堵墻舉頭四  
野青茫茫不知地勢實衝要東連鄂渚西襄陽誰  
能一勞謀永逸四壁依前護墉石免令三歲二歲  
間費盡千人萬人力

唐州後竟  
用此策也

### 河防行

南州一雨六十日所至川源皆汎溢黃河適及秋  
水時夜來決破陳河堤河神憑陵雨師借晚未及  
晴昏復下傳聞一百五十村蕩盡田園及廬舍我

聞禹時播河爲九河一河旣滿還之他川平地迫  
勢隨弱安流是以無驚波祗今茫茫餘故迹未易  
區區議疏闢三山橋壞勢益南所過泥沙若山積  
大梁今世爲陪京財賦百萬資甲兵高談泥古不  
須爾且要築堤三百里鄭爲頭汴爲尾准備他時  
漲河水

替照旃檀像舊物也方丈老人比以見還作  
詩謝之



我昔游京師稽首禮瑞像堂堂紫金身示現大法  
藏袞嚴七寶几重疊九霞帳光如百千日是耀不  
容望想初法王子運力攝諸匠瓌材發神祕妙斲  
出智創風流蜀居士翰墨老彌壯雷霆大地底音  
樂諸天上猶疑三十二不具梵音相不知一點真  
正勝千語浪嗚呼五因緣語綺反成謗我今獨何  
幸相見問無恙文殊本無二何處覓真妄庶脩香  
火供獲脫煩惱障天龍想驚喜訶衛日歸向已覺

海潮音人天會方丈

梁忠信平遠山水

憶昔西游大梁苑玉堂門閉花陰晚壁間曾見郭  
熙画江南秋山小平遠別來南北今十年塵埃極  
目不見山鳥靴席帽動千里只慣馬蹄車轍閒明  
窗短幅來何處亂點依稀澹寒具煥然神明頓還  
我似向白玉堂中任濛濛煙靄樹老蒼上方樓閣  
山夕陽一千頃碧照秋色三十六峯凝曉光懸崖



高居誰氏宅縹緲危欄蔭青樾定知枕石高卧人  
常笑騎驢遠遊客當時画史安定梁想見泉石成  
膏肓獨將妙意寄毫楮我愧甫立隨諸郎此行真  
成幾州錯區區世路風波惡還家特作發願文伴  
我山中老猿鶴

連日雪惡用聚星堂雪詩韻

朔風朝來放雲葉紛紛吹落龍沙雪山河大地同  
一如變化須臾亦奇絕叅天松頂老猶強搶地竹

頭低欲折亂飄書帙愛窗明狂入地爐驚火滅重  
衾方攤膚尚粟凍筆將書肘先掣未容衰白點鬢  
華只許醉紅生面纈何人清唱墮梁塵有客高吟  
霏鋸屑昔賢句法令尚在斲辭阿誰心地瞥後生  
曠世安敢望故事歷劫徒能說是中聖處公會無  
一粒靈丹工點鐵

徐夢弼以詩求蘆菴輒次來韻

昔聞趙州老老大猶汎愛說法利人天機緣不勝



載當年鎮府話蓋以小喻大具眼領畧之於茲豈  
無待嗚呼後來者見趣遠不逮又聞東坡公謫居  
飽鮭菜算年海南任几席溪山對自饌一杯羹老  
狂猶故態最喜霜露秋味出雞豚外乃知作詩本  
口腹不無賴風流二大士妙處無向背在家與出  
家相投若針芥先生今復然秀句筆端快誰云脩  
法供遊戲出狼狽一飽待明年桑麻歌佩佩

再次前韻

神農嘗草木濟世以仁愛根源列郡出品自成書  
載中云菜菔根試驗頗爲大昌谷嘔時須文園渴  
嘗待食異地黃并効與蕪菁逮豈惟齒衆藥政自  
冠諸菜五州風土宜罽布畦壠對墾鋤盡衆力封  
培窮百態翠角春雨中黃花晚燴外日送盤箸資  
歲給餅嬰賴片玉出頭顱層冰起膚背脆美掩蓴  
葵甘辛敵薑芥物生貴有用對此一何快儲貯得  
沈涵棄遺免狼狽但足齊人食何慙楚臣佩



君不見二牢山下獅子峰海波萬里家魚龍金雞  
一唱火輪出曉色下瞰扶桑宮榭林葉老霜風急  
雪浪如山半空立貝闌軒騰水伯居瓊瑰噴薄鮫  
人泣長鏡白柄光芒寒一葦去橫煙霧間峯巒百  
疊破螺甲宮室四面開壕山碎身粉骨成何事口  
腹之珍乃吾崇郡曹受賞雖一言國史收痲豈非  
罪筠簞一一千里來百金一笑收羨材色新欲透

瑪瑙盃味勝可浥葡萄醅飲客醉頰浮春紅金盤  
旋覺放箸空齒牙寒光漱明月胸臆秀氣噴長虹  
平生浪說江瑤柱大嚼從今不論數我老安能汗  
漫遊買舡欲訪漁郎去

樓前曲

樓前山色秋橫碧樓下水光秋漫白眼看對此千  
里愁樓下長歌古離別蕭蕭郎馬何時歸鴈奴去  
作斜行飛灞橋過客夕陽遠渭城行人朝雨微玉



淒花冷令人瘦日暮倚樓雙翠袖  
 蕙炷猶殘鷓鴣香麴塵半著鴛鴦繡  
 五雲飛過芙蓉城洞天冷落  
 雲間笙妾身有願化春草伴君長亭仍短亭

題十眉圖

寶箱拂塵金鉏鉞周昉丹青見真筆  
 春風曾憶賦妖嬈人共画图成  
 十一燭奴香底花光凝錚錚鐵  
 響聞三更車聲雷動不通語  
 眼態波橫空送情蠻雲盤鶴遼天濶  
 犀玉依依對書札人生何處不相

逢還醉武陵溪上月

雲中君圖

衣若新沐蘭湯薰靈巫拜舞方迎神  
 恍然相見帝者服九歌昔詠雲中君  
 画史亦可人妙入造化域羽衣玉塵美  
 且閒此意不知何處得空明倏忽紛  
 溟濛胡為眷眷臨壽宮飄然來下復遠舉  
 想像決去隨飛龍祠空人散秋蕭瑟  
 落日猿聲換秋色湘天極目青茫茫  
 憑高一望無南北



楚山清曉圖

山娟娟江茫茫綠山林木老已蒼穿林細路縈羊  
 腸汀洲人家蘭杜香兩山秀出江中央宛如雙劍  
 森鋒鏖層巒架空化寶坊塢波突兀一氣倚雞聲  
 喔喔林鳥翔願瞻曙色開東方清風宿霧方蒼涼  
 兜羅綿網淡平野紫磨金餅暎浮桑櫓聲才動欲  
 離岸鍾韻已殘猶殷床當年有米維楚狂生子亦  
 復肖阿章想從乃翁任朝陽收拾山綠餐湖光膝

前翰墨觀琳琅此圖戲出遂擅場彼衆史者何敢  
 當不然安得牙籤犀軸古錦囊賞覽一朝蒙古皇

題劉德文戲綵堂

郵傳文書日秀午過眼不容番頃許先生遣決談  
 笑間退食歸來奉慈母吾不愛錦衣榮歸誇梓里  
 吾不愛繡袞徒步登槐府傳家所愛作寧馨入室  
 不愁無阿堵堂中怡愉奉顏色堂下嬉戲同兒女  
 十分壽筭汎醇酎五色綵衣紛雜組映堦萱草弄



春色循陔蘭葉榮朝雨先生蘊藉古人似早歲聲  
名天尺五拘縻豈合坐冗曹獻納直宜趨禁所更  
書屈指今幾日竚看褒詔傳天語龍光歆艷動庭  
闈湯沐疏封分郡土芝封鈿軸爛雲錦羽衣寶帔  
輝金纓形容何止入画图歌詠亦須流樂譜區區  
賤子獨何幸晚喜宗盟同鼻祖他年一笑約升堂  
萬石尊前拜嚴姥

送劉德正

驥驟躓空莫干犀革斲人材必超軼物理乃融  
泮先生廊廟具冰雪自湔盥十年處繁劇風力濟  
詳練堂堂八面敵了了一笑粲雲中國西邑食倘  
資轉輓中臺輟之去正倚咄嗟辦從容九年蓄坐  
想出鞭筭向來鹽鐵使緒業著家傳春朝觀上計  
廣廈奉閒燕行矣需詔除鵷行猗榮觀

盤山招隱圖

溪山不難買所費千金儲不如數峯雲朝昏對吾



廬友游豈無人轉盼傷離居不如吾兄弟相應如  
笙竽左戾薊名族温温器璠璣身雖市朝寄心與  
功名疎伯也亦可人文華炳於菟風神聳魁偉襟  
韻含冲虛平生一片心緣塵不關渠相期有幽事  
歲晚山林俱綵服照黃冠歡呼奉親輿大婦侍巾  
幌中婦供庖厨諸孫戲膝前翩然鳳將雛朝采南  
澗芹暮漉西溪魚烟霞入杖屨風月來窗疏觀竹  
上巢雲禮佛登香爐紅龍雪浪湧白堦蒼煙孤冰

絃寫天籟茶甌泛雲腴快哉天下樂俯仰餘何須  
正恐左太冲招隱昔所無

寄題禹城孫氏茂德亭

濟南孫夫子養素抱絕識家有五畝園種樹如種  
德枝葉深覆護根本飽封殖要令方寸地不著荆  
與棘流芳被鄰里餘蔭連阡陌居然物隨化草木  
盡佳色河陽藝桃李壽張蒔梓漆至今青史上相  
望如黑白乃知百年用賴此一日積君今尚隱約



白首勤墾闢人心亦天理否泰有終極會待東風  
來吹春滿花國

郭熙秋山平遠用東坡韻

槐花忙過舉子閒舊游憶在夷門山玉堂會見郭  
熙画拂拭縑素塵埃間楚天極目江天遠楓林渡  
頭秋思晚煙中一葉認扁舟雨外數峯橫翠巘淮  
安客宦踰三霜雲夢澤連襄漢陽平生獨不見寫  
本慣飲山綠食湖光老來思歸真日日夢想林泉

對華髮丹青安得此一流画我橫筇水中石

南口

危峯張屏幃峻壁開戶牖崩騰來陣馬翔舞下靈  
鷲秀色紛後前晴嵐迷左右重陰忽障翳虛籟競  
呼吼深迂愛風日高亢捫星斗帝居望北關村落  
當南口軍都漢時縣遺跡奄存否中郎讀書處遺  
楫想摧朽誰云用武地經訓乃淵藪我家膠東湄  
樸學歎白首居鄰通德里况此見師友慙無書帶





草采采爲盈手何以醉先生清溪綠如酒  
 晚到八達嶺下達旦乃上  
 車馬兩山間上下數百里縈紆來不斷奕奕似流  
 水鯨形曲脊脊蛇勢長首尾我車從其間搖兀如  
 病齒推前挽復後進寸退還咫尺息心固安分尚氣  
 或被拍徐趨自循轍躁進應覆軌行行非我令柅  
 亦豈吾使倦僕困蹄呼疲牛苦鞭箠統如五更鼓  
 相慶得戾止歸來幸無恙喘汗正如洗何以慰此

勞邨醅正浮蟻

出八達嶺

山險畧已出彌望盡荒坡風土日已殊氣象微沙  
 隨我老倦行役驅車此經過時節春已夏土寒地  
 無禾行路不肯留奈此居人何作詩無佳語以代  
 勞者歌

隰川

隰川來西州數郡被其利刺陵放而南奔駛不可



制茲焉幸不幸長策未容議且復觀其瀾雄豪快人意

上谷

磨笄偉然來隰水洶而去山川俯城郭藩翰重畿輔桑麻數百里煙火幾萬戶長橋龍偃蹇飛閣鳳騰翥傳聞山西地出入此其路源源百頃積井井三壤賦蒲萄秋倒架芍藥春滿樹盤躡多布韋嬋娟半娥素永懷小靖節厚德皆忠恕至今受一廛

如昔歌五袴傷心隔生死知己今有數婦日當驅車生芻奠其墓

蔡有鄰碑

我為山西行叱馭過近縣傳聞蔡有鄰石刻古今冠風流書以來妙絕隸之變銀鈎鸞鳳舞鐵畫蛟龍纏憑誰致墨本故舊詫珍獻正恐賦分薄一夕碎雷電平生六一老集古藏千卷惜此方殊鄰公乎未之見



車輶輓

馬虺隤牛羸棘山行縈紆車輶輓路傍指點是官  
人老矣一翁雙鬢禿汝牛幸可耕汝馬幸可騎有  
此可載琴書歸胡爲奔走東西道白髮才騷被人  
笑

沙漫漫

沙漫漫草班班南山北山相對看我行乃在山之  
間行人仰不見飛鳥樹木足知邊塞少沙漫漫草

班班我行欲趨西風還僕夫汝莫愁衣單我但着  
衣思汝寒

摧車行

渾河洶湧從西來黃流正觸山之崖山崖路窄僅  
容過小誤往往車輪摧車摧料理動半日後人欲  
過何艱澀深山日暮人已稀食物有錢無處覓何  
時真宰遣六丁鑿此疊嶂如掌平憧憧車馬山西  
路萬古行人易來去



敗車行

前車行後車逐車聲夜隨山詰曲前車失手落高  
 崖車輪直下聲如雷同行急救救不得人牛翻墜  
 鳴聲哀我時潛聞後車說前車使牛何太拙只知  
 拍手笑前人不道後來當改轍前途猶有坡陀在  
 後車當以前車戒

數日冗甚懷抱作惡作詩自遣

生涯吾亦愛吾廬踏地從來出賦租宵次有懷空

魄磊人間無處不崎嶇扶搖安得三千里應見真  
 成百億軀直欲棄家叅學去一龕香火供齋盂

寄題安崑起官舍址

一軒高占鳳麟洲要作人間汗漫遊海國風煙自  
 朝暮洞天日月幾春秋夢竟欲拂三花樹活計聊  
 隨一葉舟待我丹成訪君去闔風佳處卜菟裘

莫州道中

楓林葉葉墮霜紅天末晴容一鏡空野曠微聞鳥



烏樂草寒時見馬牛風人生險阻艱難裏世事悲  
歌感槩中白髮孀親倚門處夢覓千里付啼鴻

上施內翰

十年不見建安公草木依然臭味同賴有酒尊煩  
北海可無香瓣禮南豐天墀禮樂三千字海國鷗  
鵬九萬風正以高軒肯相過免教書客感秋蓬

題吳彥高詩集後

片雲踪跡任飄然南北東西共一天萬里山川悲

故國十年風雪老窮邊名高冀北無全馬詩到西  
江別是禪頗憶米家書画否夢覓應逐過江船

代王簿上梁孟容副公二首

妙年椽筆賦長楊一日聲名滿四方天上風流青  
瑣客人間嘉慶綠衣郎錦囊看讀金花誥画戟閒  
凝燕寢香預恐政成趨急詔海沂無計駐王祥

又

自笑微官馬骨高十年霜鬢雪刁騷長林豐草未



適性尖帽短鞵安得豪名寔真同一雞肋簿書空  
束兩牛腰故園清興湖山裏歸去經營一把茅

清明前十日作

雨餘天氣動朝寒寒食都來數日間羯鼓催開小  
桃李画屏圍出好溪山塵埃老我真堪笑風物撩  
人欲破慳梅雪已殘春過半一尊無處與公閒

聞丘丈晚集慶壽作詩戲之

桃李欲開風雨多花時猶得屢經過緩聽一曲玉

連瑣滿汎十分金卷荷紅燭影紗聞喚馬翠羅承  
鞵見凌波杜陵老矣孤春事奈此詩愁惱亂何

明日復會客普照繼呈此詩去及瓜不數日  
矣

室中呼起散花天來伴維摩到處禪百刻篆香消  
畫永一番風雨破春妍雲山真欲追聲叟風腋何  
妨借玉川他日相思共明月舊游應說禁煙前

觀古作者梅詩戲成一章



翠袖佳人倚竹傷風姿綽約破湖光靜中慣識形  
神影妙處誰知色味香觀想有靈通水月孤音無  
侶伴冰霜故人愁絕今何許烟雨霏霏子半黃

秋郊馬上二首

故壠松楸暗空城草棘荒數峯橫鳥道一徑繞羊  
腸桑葉露仍沃稻花風已香兒時十年夢懷舊一

悲涼

又

海色樓臺市山容水墨圖風疎水楊柳烟瘦石菖  
蒲歲熟多同社村閒絕話租平生亦何事塵土眷  
吾廬

贈人

何必羅浮訪稚州相逢一笑共談玄蓬萊咫尺三  
萬里銅狄因循五百年夢幻莫論身外事嘯歌聊  
得醉中天幾時丹竈同收拾去入雲山了舊緣

別後有懷元濟



聞說風流靖長官宦游寥落廢清閒酒狂吞盡喙  
三尺詩瘦得成肩兩山世事君方厭蝸角生涯我  
欲賦魚蠻脫身何日扁舟去相對一蓑烟雨間

贈董丞秉國

迫窄十年冠蓋場誰憐王謝有諸郎俗緣不脫三  
生債豪氣都無萬丈長遣興久憑詩作社避愁專  
欲酒爲鄉黃塵投老逢青眼賴有知音未可忘

聞彥美服藥以詩問訊

耳邊塵事且無喧聽我歸耕郭外村賤子自藏蝸  
殼舍故人誰並雀羅門書窗共作三年計尊酒相  
逢一笑溫不信家山不堪隱仇池今在古銅盆

和人七夕韻

今古良宵此會同望窮雲物有無中間鈿合三  
山隔天上靈槎一水通鳩鵲樓空紈扇月鴛鴦機  
冷苧羅風不須更乞蛛絲巧以笑人生百巧窮

海上



潮感三山島煙橫萬里沙  
蜃樓春作市鼉鼓暮催  
衙一曲水仙操片帆漁父家  
安期定何處試問棗  
如瓜

次曹次仲韻因以自感

自笑區區學道難未容香火訪名山  
因循憂患餘生裏收斂光芒窘步間  
白社祝公今日始丹丘容我幾時還  
相從願結翻經會共過壺中日月閒

寒食阻雨招元功會話

滿城風雨殿餘春燕坐翛然亦可人  
楊柳杏花相對晚石泉槐火一時新  
愁邊興味渾宜酒句裏緣欲脫塵  
早晚阿咸來過我坐中軟語慰情親

次韻諸園不暇游覽

故人家有小池臺桃李成蹊手自栽  
尊酒幾時邀客去園林無日不開丹  
青一一掃圖畫紅紫紛紛費剪裁  
滕槩須公與題品杖藜何惜醉中來

自解



投紱歸來歲月過清閒殊勝吏分窠人思狡兔藏  
三窟我願白鷗同一波棊局何妨爛樵斧印章終  
欲博漁蓑人間萬事俱塵土醉倒尊前奈我何

陪諸友登三山亭二首

半濛清淺芰荷彫落日登臨未寂寥山色逼秋渾  
作市海聲迎暮欲吞潮沙頭白鳥疑相熟木末青  
旗苦見招不似常時對官府可無閒話及漁樵

又

霜林餘葉未全彫極目西風對次窠萬里沙荒秋  
後草三神山動晚來潮移尊正及兵厨近結客何  
須驛騎招老素撫床端可必未甘隨分隱畊樵

秋郊

秋水四五尺算山三兩峯浮雲白毫相落日紫金  
容蓑笠前村笛樓臺古寺鍾殷勤小平遠圖畫記  
渠儂

次劉元直韻二首



秋來何事憶歸頻正以家無妒婦津未許桂枝招  
隱士不妨桃葉贈行人夢蒐歷歷千山遠客宦悠  
悠五斗貧犀箸鸞刀許何日歸來舉案得紛綸

又

半年歸夢別離間只有音書鴈足還羅幕翠橫秋  
掩冉玉壺紅溼淚瀾斑天明不作霧非霧月破可  
憐山復山準擬春風對眉無一尊相對洗愁顏

次韻夜雨

海山何處是蓬瀛節物催人意自驚客裏馱逢今  
舊雨夢餘愁聽短長更故園頗覺歸期緩老境難  
堪此段清想得詩成正蕭瑟竹窗燈火夜微明

代人憶舊

緩步素絲障微吟紫綺裘醉便風側帽歌愛月明  
樓犀軸題春恨銅荷滴夜愁風流十年夢燈火漫  
揚州

梅



誰道江梅驛信遲  
碧琅玕裏見橫枝  
為尋疎影暗香處  
獨立嫩寒清曉時  
嚼蕊不妨浮白飲  
認桃休賦比紅詩  
平生東閣風流在  
何遜而今鬢欲絲

題雪浦人歸圖

亂目寶花雨過眉  
斑竹筇擎音迎画  
鷁喜態動烏龍水  
鏡千江月風琴萬  
壑松遙知永令夕  
情話得從容

歸來圖戲作

雲髻春風一尺高  
笑攜兒女候歸橈  
情知一首閒情賦  
合為微官懶折腰

城南庵

故鄉歸思白雲邊  
餅鉢東來想浩然  
桑下久無三宿戀  
室中今許一燈傳  
夢驚城郭風塵窟  
興寄湖山雪月天  
老矣重游恐難得  
平生四海與彌天

書何維楨見贈詩後

塵埃握手衆人中  
草木從來臭味同  
春夏我雖迷



出處交游君不與初終赤黃晚歲微奇夢清白平生繼古風歎息蜀州人日作傷心不覺涕無從

寄題薊丘僧房

道人休去白雲邊老矣分明懶瓚然參學誰能知許事退休聊得息諸緣忘形馬跡車塵外適意山光水影前想得松根憩寂莫壞殘雲衲半垂肩

虛春亭

碧琅玕裏小蘆廬想像幽人手植初不獨禪心破

諸有還於法性識真如

古宿有翠竹真如之句

應緣任笑風

月底出世要觀霜雪餘他日升堂叅玉版會須俯出賞春蔬

雨後

塵埃日日厭風霾一雨方容眼界開水底天光大圓鏡樹頭山色小飛來馬牛涉地無相及鷗鷺知人已不猜更得扁舟待明月一盃客我醉雲壘

題歸去來圖



筆端竒處發天藏事遠懷人涕泗滂餘子風流空  
魏晉上人談笑自羲皇折胥五斗幾錢直去國十  
年三徑荒安得一堂重寫照爲公桂酒瀉蕉黃  
過關渡水圖  
短車無復駕青牛散策方來對白鷗煙水從容許  
君獨暫須分我一舸秋

寄題孔德通東園

花木陰陰一畝宮平生高興與誰同尊壘北海無  
虛日鄉里東家有故風先業固知衣鉢在大門何  
惜橐奩空襄陽耆舊今誰識尚喜風流見阿戎

次韻酈元與贈于元直道舊二首

人物傷心萬馬空于今聲價歛然東教條不獨行  
千里籌策曾經奉一戎事契百年知有自笑談三  
語記無同白頭賴有髯叅在解說當時喜怒公

又

倦游方歎錦囊空此道誰知一夕東客裏簿書慙



老子詩中旗鼓避元戎  
叩門莫厭經過數  
促席聊容語笑同  
此樂祇憂兒輩覺  
不應品藻待渠公

彥美生朝

壯日里閭俠臂彎  
雙角弓繡鞞金匱匣  
貂袖紫蒙茸雲態自蒼狗  
玉輝猶白虹  
為君占壽骨詩句有清風

張萱戲嬰圖

犀顛玉頰寧馨子  
霧鬢雲鬟窈窕娘  
三十年前大

門日憶觀群戲碧方床

河橋

桃李香中八九家  
青旗高挂綠楊斜  
晚來風色渡頭急  
滿地蕭蕭楊白花

昌邑道中

屋角雞號夜向晨  
客床相對話悲辛  
流離僅脫噲等伍  
老大空為濟上人  
却掃欲安無事貴  
累人猶屬有錐貧  
故山鄰里今安否  
歸去同尋笋蕨春



題仲山枝巢

鏡中青鬢雪霜皤歲月從教落魄過物理不容人  
太過生涯休歎我無多百年竟似蠅鑽紙萬事終  
同鼠飲河祇恐徐公宿緣在東風時夢海棠窠

許內翰安仁 六首

安仁字子靖河間樂壽人大定七年進士  
歷禮部員外郎出守澤州遷同知河南府  
事以汾陽軍節度使致仕子古字道真父

子俱名流也

望少室

名山都不見真形萬仞盤盤入杳冥安得雲間騎  
白鶴下看三十六峰青

送二道者歸汾州

介休山下兩閒人來訪汾陽舊使君明日却歸塵  
外去一雙白鶴上青雲

草木蟲魚詠二首



蠅鑽故紙竟不悟  
蛾撲明燈甘喪生  
大似盲人騎瞎馬  
不知平地有深坑

又

蓬在麻中應自直  
萬生松下亦能高  
不關若輩工攀附  
物理由來繫所遭

少室道中

少室峰頭曉月沈  
千家城郭淡陰陰  
五更雞唱殘星滅  
馬上看山過少林

遊泰安竹林

蕭寺天教勝處安  
峯巒騰擲水雲閒  
客來總說遊山好  
不道山僧却厭山

承旨党公六十五首

公諱懷英字世傑  
宋太尉進之十一代孫  
父純睦自馮翊來  
以從仕郎爲泰安軍錄事  
參軍卒官妻子不能歸  
遂爲奉符人公之在孕也  
太夫人夢道士吳筠來  
託宿及



公生儀觀秀整如神仙然少穎悟日授千  
餘言師毫社劉嵩老濟南辛幼安其同舍  
生也嘗試東府取解魁是後困於名場遂  
不以世務嬰懷放浪山水間詩酒自娛簞  
瓢屢空晏如也夫人石氏徂徠先生之後  
亦能安貧守分既久鄉豪傑有知公者稍  
料理之天定十年擢進士甲科調成陽軍  
事判官汝陰令入爲史館編脩應奉翰林

學士出爲秦定軍節度使爲政寬簡不言  
而人化召爲翰林學士承旨致仕大安三  
年九月年七十八終於家是夕有大星殞  
於所居之堂衆驚視之而公已逝矣諡曰  
文獻禮部閒閒公墓誌云公之文似歐公  
不爲尖新奇險之語詩似陶謝奄有魏晉  
篆籀入神李陽冰之後一人而已嘗謂唐  
人韓蔡不通字學八分自篆籀中来故公



書上軌鍾蔡其下不論也小楷如虞褚亦  
 當為中朝第一書法以魯公為正柳誠懸  
 以下不論也古人名一藝而公獨兼之可  
 謂全矣皇叔永蹈伏誅公作詔云天下一  
 家詎可窺於神器公族三宥卒莫  
 違於常刑非忘本根骨肉之情蓋為宗社  
 安危之計亦由涼德有失睦親乃於間歲  
 之中連致逆謀之起思以義掩至於重典  
 之亟行天高聽卑殆匪此心之得已興言  
 及此惋嘆奚窮論者謂公之制誥百年以  
 來亦當為第一閒閒公作碑偶不及此故  
 表出之

穆陵道中二首

所山一何高群峯鬱屏顏我行問遺老云此小太  
 山望秩有常祀其神號東安草荒穆妃墳雨剝漢  
 武壇神仙果何在可想不可攀千年等一昔俯仰  
 悲人寰東望蓬萊宮咫尺滄波間

又

重山復峻嶺溪路宛盤盤流水滑無聲暗瀉溪石  
 間岸草淒以碧鮮葩耀紅丹高雲映朝日流景青



林端我行屬朱夏欲悵不得閒  
山中有佳人風生松桂寒

瓊花木后土像

皇媧化萬象賦受無奇偏胡爲  
墮愛境亦爲尤物牽煌煌靈祠  
花玉藥冠春妍婉如傾國姝獨  
立江湖邊顧惜怨奪移含秀梁  
宮烟青黃竟自寇始信擁腫全  
珍材婦好事肌理緻且堅瑑刻  
方寸餘遺像規汾孺願言稅靈  
馭要復安所怜神游妙難詰

豈以大小懸槐根開夢國橘實  
游慕仙靜想寶龕中坐納東南  
天況有大者存指顧超八埏

君錫生子四月八日

左君錫薊北名士

堂前種護憂可忘不如生兒喜  
殊常嘔啞啼笑彩衣側滿堂和  
氣生嘉祥燕寢香凝佳夢地與  
佛同生佛親抱我來初見出錦  
綳肌肉照人省字好世間兒子  
空紛紛如君此兒真慰人薊山  
東盤出英秀政與德門宜子孫  
天馬駒海鶴子氣骨初成便



起異籟雲冲霄從此始

立春

水結東溪凍未漪風凌枯木怒猶威不知春力來  
多少便有青蠅負暖飛

端午日照道中

幾年客舍逢端午今日東行復海隅三歲已無平  
老艾一杯聊作辟愁符

夏日道出天封寺

疊澗重岡掩復開鳥啼人寂路縈回微涼暫逐行  
雲過細雨俄從遠樹來世事自嗟吾老矣山僧那  
識興悠哉婆娑十畝溪邊櫟借汝清陰感不材

龍池春興

三十餘年惜別心重來獨興此登臨佳人何在暮  
雲合游子不歸春草深曲檻凭欄花幕幕扁舟繫  
岸柳陰陰避人白鳥忽驚去雙影飛翻明翠岑

宿宣灣



清潁去無極悠悠楚甸深  
 人家半臨水村徑曲穿  
 林積雨猶行潦荒煙易夕  
 陰夜涼淮浦月寂莫照  
 邊心

黃彌守畫吳江新霽圖

江雲卷宿雨江風散晨煙  
 山光煙雨潤欲滴影隨  
 江水空明間俯蛾新粧翠  
 連娟下拂塵鏡窺明蠟  
 漁舟來何許觸破青茫然  
 中流水肥魚逆上受網  
 應有松鱸鮮借問張季鷹  
 西風幾時還漁郎埋網

喚不應但見水碧江涵天  
 如何塵埃中眼界有許  
 寬道人胸次陂萬頃為寫  
 此境清而妍蒼崖無塵  
 樹影寒直欲坐我苔磯邊  
 我家竹溪陰小艇橫清  
 漣異時赤脚踏兩舷不應  
 尚作披圖看

雪中四首

詩人固多貧深居隱茅蓬  
 一夕忽富貴獨卧瓊瑤  
 宮夢破窗明虛開門雪迷  
 空蕭然視四壁還與嚮  
 也同閉門捫鬚坐愈覺生  
 理窮天公巧相幻要我



齊窮通衝寒起沽酒一洗芥蒂胸

又

翻翻雪中鴉飛鳴覓遺粟雪深不可求遠屋啄寒  
玉顧我如鴟鴞多儲有餘肉我亦生理拙凍卧僵  
雪屋日午甑無煙飢吟攪空腹豈不知屠沽肥甘  
隨取足幸待春雪消吾猶多杞菊

又

歲晏苦風雪曠野寒崢嶸溼薪燒枯棘距刺相擎

撐濃煙久伊鬱微焰方晶熒津津膏乳漲中有蚯  
蚓鳴蓬蒿掇快炬倏作飛灰輕餘暖未及愜睫淚  
先已盈幸有鄰家酒時澆肌粟平

又

歲晏雪盈尺農夫倍欣然不作初寒怨應知有豐  
年笑我寄一室歸畊無寸田無田吾不憂飲啄當  
問天我看多田翁租賦常逋懸低頭負呵責顏色  
慘可憐不如拾滯穗行歌兩無牽



雪

寶花天雨曉紛紛佛界粧嚴盡白銀待臈風雲初  
接勢犯寒糟麴若為神園中芳草誰能賦江上梅  
花獨自春半辭騎驢得佳句九原誰喚灞陵人

蟬

槁壤陰潛罷轉丸飄飄便作飲風仙幽藂何處拳  
枯蛻別樹還來續斷絃小院日長清夢覺空庭人  
靜綠陰圓無情物化誰能料觸撥羈懷一慨然

漁村詩話圖

江村清境皆画本画裏更傳詩語工漁父自醒還  
自醉不知身在画圖中

曉雲次子端韻

灤溪經雨浪生花曉碧翻光漾曉霞川上風煙無  
定態盡供新意與詩家

送高智叔歸濟南

已作西溪約還為汶上行漂流知分際會合見平



生旅枕勞歸夢家山入去程空齋桃李月寐莫照  
清明

日照道中

路轉清溪樹蔚然解鞍坐榻午陰圓避人鷗鳥驚  
飛盡時有游魚弄柳綿

夜發蔡口

落霞隨秋水浮光照舡明孤程發晚泊倦楫搖天  
星藹藹野煙合脩脩水風生遠浦浩渺漭微波澹

彭觥畸鳥有時起幽蟲亦宵征懷役歎獨邁感物  
傷旅情夜久月窺席忼慨心未平

西湖晚菊

重湖滙城曲佳菊被水涯高寒逼素秋無人自芳  
菲鮮飈散幽馥晴露隨餘滋蹊荒綠苔合采采歎  
後時古餅貯清泚芳樽湔塵霏遠懷淵明賢獨往  
誰與期裴徊東籬月歲晏有餘悲

西湖芙蓉



林飈振危柯野露委荒蔓孤芳爲誰妍一笑聊自  
 獻明粧炫朝麗醉態羞晚困脉脉懷春情悄悄驚  
 秋怨豈無桃李媒不嫁惜嬋媛悠哉清霜莫共抱  
 蘭菊恨

浪溪別吳安雅浪音郎

浪水清且白頻年照行役褰裳涉微波微波去無  
 極悠悠溪上山送我往復還與君臨水別幽恨寄  
 山間

奉使行高郵道中二首

野雪來無際風檣岸轉迷潮吞淮澤小雲抱楚天  
 低蹉踏舡鳴浪聯翩路牽泥林鳥亦驚起夜半傍  
 人啼

又

細雪吹仍急凝雲凍未開牽閒時掠水帆飽不依  
 桅岸引枯蒲去天將遠樹來行舟避龍節處處隱  
 漁隈





孤鴈集句

萬里銜蘆至寒空半有無踪分沙岬靜聲入塞垣  
 孤影早衝關月飛高望海隅不知天外侶何處下  
 平蕪

黃菊集句

九月欲將盡鮮鮮金作堆遠籬殘艷密擁鼻細香  
 來五色中偏貴群花落始開可憐陶靖節共此一  
 傾杯

金山

我從渡淮涉高郵雪風連日吹行舟維揚地西闖  
 夜色星月隱見邊城樓晴光破曉射瓜步照耀玉  
 宇開瓊洲馮夷收威浪妥帖容我一到金山頭金  
 山勝槩冠吳楚萬礎蟠峙江中流平生夢寐不到  
 處乃以王事從私游鍾山雨花落眼底海門鶴崖  
 波際浮川開林闔望不極但見遠色明輕鷗風烟  
 渺漭異吾土行役有程難久留一盃未舉帆影轉



已看浙樹稍旗旒

趙飛燕寫真

昭陽宮裏千蛾眉中有一人輕欲飛姊妹黃緣特  
 新寵六宮鉛粉無光輝春回太液花如繡花底輕  
 風扶翠袖君恩不許作飛仙襞積宮裙留淺皺君  
 王貪宴溫柔鄉木門不省搖倉琅避風臺成畧今  
 古空使遺如驚霓裳當年傾城復傾國誰寫餘妍  
 入丹碧背燈攤髻一潸然不應尚有樊通德

村齋遣事

人生天地真蘧廬外物擾擾吾何須與其羈鼎齋  
 轅駒豈若飲斲隨駘駘不知掉尾忘江湖响响濡  
 沫胡爲乎誰念挾卷矜村墟磨丹黝圍樵蘇申  
 鞭示箠嚴範模矍如狙翁調衆狙爾雅細碎編蟲  
 魚辭嚴義密字見疎烘齋睥睨音語麤諷誦誰敢  
 忘須臾萬中有一差錙銖呶啞坐使爲呻呼咄哉  
 倡言口囁嚅等爲兒戲夫何殊霜風入戶寒割膚



生薪槎身供燎爐湯湯溼煙迷四隅白鶴日見黔  
如鳥此間縱樂能何如其誰相與歌歸歟投籠嗟  
我自摯拘垂翅更待窮年徂

和張德遠伐松之什

社櫟賦散材乃遭匠石嗤高梧中宮微不能保孫  
枝全傷隨用否理固不可移堂堂十八公端勁出  
天姿蟠根借餘潤茂鬱清溪湄雨師夜失律偶此  
遺神螭煙鱗漬寒雨霧鬣明朝曦騰拏困愈壯偃

蹇僵不疲未能走沅澨聊與草木嬉長風動頭角  
吟嘯舒鬱伊塵埃詎能久雷電會有時昨宵卧溪  
月老影閒橫歌天明竟不舉俯仰益怪竒拏拳攀  
半崖渴喙吞清漪希珍價不售復病樵柯危材高  
輒爾耳吐彼造化兒膠枝飽霜雪遽與蓬蒿衰孤  
標挽萬牛未爲廊廟知窈窕桃李春奈爾千歲期  
枯桑豈自賈取敗以老龜茲非爨下村梁棟終見  
施長短埽自然勿為鳧鶴悲



題律猿圖

雲山空岡阜重榭葉半溼新霜紅溪猿得意適其  
 適閒攀靜挂晴光中孤齋何從來寂歷野竹風舉  
 頭相視不相測昂藏却立如癡童鯤鵬負雲天斥  
 鷄處蒿蓬萬生所樂自不同恻然胡爲之二蟲

和濟倅劉公傷秋

川流爲瀦鉅野濶水色天容兩開豁山隨水遠勢  
 奔驚駿馬西來銜轡脫山前木葉不肯不收坐看木

末來啼舟秋容澄明納萬象画本寂默橫雙眸  
 仙曾來釣煙磧想見夕陽寒影隻騎鯨去作汗漫  
 遊只有荒臺壓澄碧臺邊昨夜西風來倦游羈宦  
 心悠哉豈無瓊艘百拖載春色是中可以忘形骸  
 官居得秋況不惡高吟何遽悲搖落君不見中郎  
 詩翰憶湖山秋色正滿連雲閣

題春雲出谷圖

春雲乍出山有無春雲已去春山孤山光空濛不



可寫正要雲氣相縈紆山吞雲吐變明晦半與崑  
 谷生朝晡輕林蕭蕭暗溪樹餘影漠漠開樵居舟  
 人艤棹並沙尾坐看縹緲搖空虛巧分天趣出画  
 外韻遠不與丹青俱今人重古不知画但愛屋漏  
 煙煤汙惜哉東坡不及見此本詩中獨有疊嶂煙  
 江圖

輕林蕭蕭一作輕陰霏霏

新泰縣環翠亭

官居坐官府不見青山青閒來亭上看青山遠重  
 城左見青山縱右見青山橫具教浮虛碧崢嶸群  
 峯連娟相繚索縣庭無事苔蘚生獨携珍琴寫溪  
 聲琴聲鏘鏘激虛亭罷琴舉酒招山英山英莫相  
 嘲我雖朝市如林垞客有山中來聞說令尹清山  
 英異時合有情周遮不放公馬行

喜雨

山雲駛如驅山雨沛如傾幽人夢初醒卧聽簷溜  
 聲雷霆怒相搏似與陰陽爭蛟龍久何蟠始此幽



蟄驚餘花曉猶落竟日方破晴明朝東臯望照眼  
 生意明焦枯被沾濡相與迴春榮忻然野桃李新  
 綠棲殘英漸漸麥穰翠漚漚溪流清蛙鳥亦解喜  
 其興立喧鳴萬物皆得時棲遲感吾生直應挂儒  
 冠便逐春農畊

睡覺門外月色如晝霜風過琴然成聲作一

絕

老木經霜衆竅空月明深夜響秋風始知天籟非

人籟吹萬由來果不同

題張維中華山圖

茲珠散遺胄我姓出馮翊空聞華山名未始見顏  
 色三峯擢觚稜經眼但石刻那知玉井蓮香落清  
 渭北巖崖劃變轉勢走關輔窄豈無愛山人不解  
 傳粉墨多才曲江裔公暇日招揖歸裝貯新圖尚  
 帶烟霧溼明窗一傳玩恍若到鄉國我生隨宦游  
 久作東南客有田泰山下繞屋皆泉石懷恩戀官



廩老大婦未得況復秦川遥便恐此生隔峻嶒蒼  
煙面只許画中識詩成持送君想像三嘆息

題馬賁画鷓鴣圖

雙眠雙浴水平溪共看秋光卧兩堤誰信瀟湘有  
孤鴈冷沙寒葦不成棲

書回叔北軒壁

生涯自分老林泉欲止還行信有緣未許綸竿婦  
醉手且教煙水入吟鞭雲山聊欲追聲叟風腋何

妨借玉川獨卧北軒元不寐竹間寒雨夜琅然

和元卿郊行

馬駛車驅起路塵傷山陰翳作春溫東風欲放萌  
芽動已有疲牛嚙燒痕

世華將有登州之行作是詩以送之

少陵兄弟蓋三人坡老相知只如君五畝有期將  
共隱一尊何易便輕分秋鴻渺渺看孤往夜雨瀟  
瀟恐獨聞他日書來問無恙我應深釣竹溪雲



維密道中懷古

十二全齊勢興亡俯仰中地傾離水北山斷穆陵  
東破塚餘殘甃荒蹊足轉蓬燕齊舊懸隔不接馬  
牛風

過棠梨溝

地僻人煙少山深澗谷重坡陁下長坂迤邐失諸  
峯間俗知懷土聽歌識相春幾家茆屋外田畝自  
衡從

响山驛亭阻雨

東海地名蒼梧舊說云此島自蒼梧浮來又州有景疎樓

脫葉蕭蕭山木稠連檣飄汎海蓬秋浪回响島馮  
夷舞雲暗蒼梧帝子愁欲往未行淹僕馬乍來還  
去羨鷓鴣景疎樓下無邊水暫濯塵纓可自由

弔石曼卿

曼卿嘗通守胸山遣人以泥封桃李核彈之崑石間其後花開滿山

又嘗攜妓飲山之石室間鳴琴為水車鐵馬聲

城頭山色翠玲瓏尚憶清狂回飲翁鐵馬水車斷  
遺響桃花石室自春風平生詩價千鈞重身後仙





遊一夢空想見蓬萊水清淺芙蓉城關五雲中

响山道中三首

二年三到水雲鄉瘦馬凌兢怯路長野雪未乾春  
未雨落鳶飛起暗塵黃

又

吳歌楚語海山間織葦苫菰便自安已作稻塍猶  
未種小溝流澁水車乾

又

海路東南萬壑傾青山孤起壑重城驛亭春半餘  
寒雪墻角無人草自生

應制粉紅雙頭牡丹二首

卿雲分瑞兩嫣然鏡裏粧成穀雨天曉日倚闌閒  
妒艷春風拾翠兩駢肩水南水北何曾見槭葉桃  
根本自仙夢想沈香亭北檻畧脩花譜記芳妍

又

春意應嫌芍藥遲一枝分秀伴雙鞋並肩翠袖初



酣酒對鏡紅粧欲鬪奇上苑風煙工獻巧中天雨露本無私更看散作人間瑞萬里黃雲麥兩岐

次文孺韻

病眼花生紙羈懷棘遶墻挑燈簦溜急到枕漏聲長響徹雞埭曙寒迎鴈背霜淒涼三徑菊無夢到

壺觴

好問按此詩是貢院中唱和故有花生紙棘遶墻之句

白莊道中

暖風遲日弄春晴渾似龍眠画裏行沙路半隨堤

尾曲幾家桃李鶉鳩鳴

花品

翠裙襞積破黃薇新樣丁香結玉蕤最愛東風木芍藥淡紅深紫兩相宜

上皇書扇後

便面團圓字點鴉天風吹隋委塵沙燕泥庭草爭工拙何似當年陌上花

送崔深道東歸



石從鬱葱幾時來鬱葱山色空崔嵬白雲已自動  
歸意蟪蛄蚍蜉況可懷薰風濁酒非莓苔那知空  
齋響蚊雷酒酣臨風解相憶喚取玉笛傳清哀

和道彥至

山光凝黛水浮空地僻偏宜叔夜慵尚喜年登更  
冬暖敢論人厄與天窮君方有志三重浪我已無  
心萬里風擬葺小園師老圃綠畦春潘引連筒

楚清之画樂天小娃撐小艇偷採白蓮回不

解藏蹤浮萍一道開詩回題其後

樂天婦卧湖山邊閒買池塘娛暮年小蠻已老樊  
素去心地玲瓏如白蓮室中誰遣散花天故點禪  
衣香破禪鴛鴦為報竊花處題詩要戲小嬋娟紅  
粧秋水照明蠲清之粉本清且妍道人無心被花  
惱對画作詩真適然君不見元亮投名蓮社裏不  
妨更賦閒情篇

寄賈回叔





鶉居穀食兩迷陽四十猶貪桂子香  
石汶為君拋水月憲陵回首見冰霜  
蟲魚細碎成書癖荆棘崢嶸失醉鄉  
舉白北軒真一夢竹間猶記雨浪浪

題大理評事王元老雙橋堂

朱橋復朱橋傳分色貢實煌煌中  
堂樹奇畫照公堂前護草碧公今致  
養豐祿食更取蠻珍奉顏色舉觴一  
笑三千秋坐看諸孫索梨栗

宿舊縣四更而歸道中撫所見作行路難

三星排空山月明思歸客子夜半行  
單衣短褐風淒清響踏黃葉棲禽驚  
忽忽曉轉沙岬側枯蓼寒蘆鳴索率  
山月欲隨山煙黑前途無人脚無力行  
路難堪歎息

途中

壬辰正月

平明發郊墟獨步蹒跚引領發前程  
日出煙未滅林迴鳥始喧麥短牛已  
嚙春陽氣未壯道左尚殘雪長風拂  
婦袂凜欲變冬冽指凍僵不拳膠凝



仍欲折而我竟何事犯此寒正切脩途去未幾行  
意先已茶安得兩翼生高飛度林樾

徐茂宗蝸舍

萬生擾擾安其安鸞鳩不兼鵬飛搏端知扶搖上  
九萬無異跳躍蓬蒿間是身江海一漂粟身外紛  
然皆外物一塵僅可容所寓何用渠渠作高屋知  
君從道由心成昔焉忘俗今忘形物來弭角不知  
競觸蠻血戰良虛名我夢敲門訪君舍舍小不容

相對話覺來驚見壁間蝸俯仰人間真物化

壬辰二月六日夜夢作一絕句其詞曰矯兀

連天花春風動光華人眠不知眠我佩絳紅

霞夢中自以為奇絕覺而思之不能自曉故

作是詩以紀之

夢中作詩真何詩夢中自謂清且奇覺來反覆深  
諷味字偏句異誠難知豈非夢語本真語無乃造  
物為予嬉君不見莊周古達士栩栩尚作蝴蝶飛



我生開眼尚如此況在合眼夫何疑

黃華王先生庭筠

二十八首

庭筠字子端熊岳人父遵古字仲元正隆

五年進士仕為翰林直學士才行無備道

陵所謂昔人君子者也子端早有重名大

定十六年甲科文采風流照映一時歷州

縣用薦者供奉翰林承安中為言事者所

累謫鄭州幕官未幾復應奉稍遷脩撰卒

官年四十七子端詩文有師法高出時輩

之右字畫學米元章其得意處頗能似之

墨竹殆天機所到文湖州已下不論也平

生愛天平黃華山水居相下十年自號黃

華山王有集傳于世其歿也道陵有詩悼

之其引云王遵古朕之故人也乃子庭筠

復以才選直禁林者首尾十年今茲云云

玉堂東觀中無復斯人矣其家以遺文來



上尋繹之久良用愴然詩不錄屏山故人  
 外傳云子端出家子風流醞藉冠冕一時  
 為人眉目如画美談笑俯仰可觀外視若  
 簡貴人初不敢與接一見之後和氣津津  
 溢於衡宇間又其折節下士如恐不及苟  
 有可取極口稱道之故人人恨相見之晚  
 也子萬慶字禧伯詩筆字畫俱有父風仕  
 為行尚書省左右司郎中猶子明伯幼歲

學書書家即稱賞之個儻無機齋力絕人  
 曾有詩云釣鰲公子鐵心胸興在三山碧  
 海東千尺雲帆已高揭不知何日得秋風  
 死於鄧州年未四十也

楊祕監下槽馬圖

龍眠悔画馬政恐隨馬趣我今破是說試下第一  
 句道人三昧手游戲萬象具萬象初莫逃畢竟無  
 所住辟如大圓鏡照物隨其遇少焉物回散影果







獄中賦萱

沙麓百戰場，烏鹵不敏樹。況復幽園中，萬古結愁霧。寸根不擇地，於此生意具。婁安綠雲杪，金鳳掣未去。晚雨沾濡之，向我泣如訴。忘憂定漫說，相對

清淚雨

柳州戲題堦前芍藥，東坡長春如稚女，及賦王伯鵬所藏趙昌畫梅花黃葵芙蓉山

茶四詩，党承百世傑，西湖芙蓉晚，菊王內翰子端獄中賦，萱凡九首，予請閒閒，公共作一軸，寫自題其後云：柳州怨之愈深，其辭愈緩，得古詩之正，其清新婉麗，六朝辭人少有及者。東坡愛而學之，極形似之，工其怨則不能自揜也。党承百出于二家，辭不足而意有餘。王公翰無意追配古人，而偶與

之合遂為集中第一大都，柳出于雅坡以下皆有騷人之餘韻，所謂生不並世，俱名家者也。

獄中見燕

笑我迂疎觸禍機，嗟君底事入園扉。落花吹溼東風雨，何處茅簷不可飛。

偕樂亭

日暮西風吹竹枝，天寒杖屨獨來時。門前流水清如鏡，照我星星兩鬢絲。

野堂二首



中州集

六十一

江古隱

綠李黃梅繞屋疎秋眠不著鳥相呼雨聲偏向竹  
間好山色漸從煙際無

又

雲自知歸鳥自還一堂足了一生閒門前剝啄定  
佳客簷外孱顏皆好山

韓陵道中

石頭犖确兩坡間不記秋來幾往還日暮寒驢鞭  
不動天教仔細數前山

絕句

竹影和詩瘦梅花入夢香可憐今夜月不肯下西  
廂

孫氏午溝橋亭

閒來橋北行偶過橋南去寂莫獨歸時沙鷗晚無  
數

送士選山東外臺判官

秋天寥廓使星明光動山東七十城玉署文章猷

中州集

卷之三

宋



閒冷繡衣風采試澄清人隨白鴈霜前到詩繞青山馬上成才力如君君未老只愁無地避功名

張禮部溪山真樂圖

悠悠春天雲想見平時閒朝遊溪橋畔暮宿山堂間澹然不知愁亦復忘所懼出山初無心既出還思山人間待霖雨欲歸良獨難山堂悵何許蕭蕭松桂寒

內鄉浙江張浮休窪尊爲二兄賦

崑花覆我酒酒而照幽妍風如惜花影不肯生微漣空山悄無人花枝自番連懷人成獨醉日暮山蒼然

超化寺

隔竹微聞鍾磬音墻頭脩綠冷陰陰山迎初日花枝靚寺裏清潭壙影深吾道蕭條三已仕此行衰病獨登臨簡書催得怒怒去暗記風煙擬夢尋

舍利壙





蒼山亭亭如覆盎佛塔東西屹相向林頭朝日射  
 重簷黃金丹砂曄生光中華此塔第十五圖記所  
 傳知不妄智慧薰成舍利羅夜半奇芒時一放想  
 見當時阿育王麾叱神工鞭鬼匠雲車瘴海挽炎  
 沙沙底黃腸三萬丈石排方面茂石段鐵錮瘦中  
 腰鼓樣功夫精密業長久位置尊嚴氣高張地皮  
 浮水膚寸許旱溢與之俱上下崧山崑山夏秋雨  
 雨潦從衡歲相盪天龍圍護夜叉守終劫不敢生  
 波浪塔前樹秀老不死對下水流多益壯再拜初  
 嘗一勺甘洗我三生煩惱障

夏日

西窗近事香如夢北客窮愁日抵年花影未斜猶  
 睡外槐枝猶顫鵲飛邊

中秋

虛空流玉洗世界納冰壺明月幾時有清光何處  
 無人心但秋物天下近庭梧好在黃華寺山空夜



鶴孤

被責南歸至中山

丙申春

短轅長路兀呻吟行李遲遲日益南親老家貧官  
職重恩多責薄淚痕深向人柳色暉相識著雨花  
枝半不禁回首觚稜雲氣隔六年侍從小臣心

送子貞兄歸遼陽

青峭江邊玉數峯烟梳雨沐為誰容到時為向山  
靈道歸意如君一倍濃

采蓮曲

南北湖亭競采蓮吳娃嬌小得人憐臨行折得新  
荷葉却障斜陽入画船

秋郊

瘦馬踏晴沙微風度隴斜西風八九月疎樹兩三  
家寒草番歸犢夕陽送去鴉隣村有新酒籬畔看  
黃花

憶涸川



極目江湖雨連陰甲子秋青燈十年夢白髮一扁舟

夏日

檀欒倒影視波清  
汪了黃庭譜鶴銘  
且喜過門無繼纘  
却憐浣髻有寧馨

劉賓客詩寧字平聲呼

河陰道中二首

梨葉成陰杏子青  
榴花相暎可憐生  
林深不見人家住  
道上唯聞打麥聲

又

微行入麥去斜斜  
才過深林又幾家  
一色生紅三十里  
際山多少石榴花

禮部閒閒趙公秉文 六十三首

秉文字周臣滏陽人閒閒其自號也幼穎悟讀書若夙習大定二十五年進士應奉翰林文字上書論宰相胥持國當罷宗室守貞可大用又言獄訟征伐國之大政自



古未有君以爲可大臣以爲不可而可行者坐譏訕免官未幾起爲同知岢嵐軍州事轉北京路轉運司度支判官承安五年冬十月陰晦連日宰相萬公入對上頷謂萬公曰卿昨言天日晦冥亦猶人君用人邪正不分者極有理趙秉文曩以言事降授聞其人有才藻工書翰又且敢言朕非棄不用以北邊軍興姑試之耳泰和二年

改戶部主事翰林修撰出爲寧邊州刺史一年改平定州治化清淨所去人思之貞祐初中國仍歲被兵公建言時事可行者三一遷都二導河三封建朝廷畧施行之四年除翰林侍講學士明年轉侍讀興定中拜禮部尚書兼侍讀同脩國史知集賢院開興正月京師戒嚴時公已老日以時事爲憂雖食息頃不能忘每聞一事可便



民一士可擢用大則拜章小則為當路者  
 言殷勤鄭重不能自己竟用是得疾薨年  
 七十四自幼至老未嘗一日廢書不觀著  
 易叢說十卷中庸說一卷揚子叢微一卷  
 太玄箋贊六卷文中子類說一卷南華略  
 釋一卷列子補注一卷刪集論語孟子解  
 各一十卷資暇錄一十五卷所著文章號  
 滄水集者前後三十卷大槩公之文出於

義理之學故長於辨折極所欲言而止不  
 以繩墨自拘七言長詩筆勢縱放不拘一  
 律律詩壯麗小詩精絕多以近體為之至  
 五言大詩則沈鬱頓挫學阮嗣宗真澹簡  
 澹學陶淵明以他文較之或不近也字畫  
 則有魏晉以來風調而草書尤警絕殆天  
 機所到非學能至宣徽舜卿使河湟夏人  
 多問公及王子端內翰起居狀朝廷因以



公報聘其為四方所重如此論者謂公至誠樂易與人交不立崖岸主盟吾道將三十年未嘗以大名自居仕五朝官六卿自奉養如寒士不知富貴為何物蓋學道所得云

雜擬三首

朱羽變氣候大火向西流六龍整征轡倏忽夏已秋閭闔來悲風霜稜被九州豈不念時節歲律聿

其周精衛填溟海木石安所投獨攜兼門子高步登崑丘千秋長不老永謝區中囚

又

猗猗南山竹並生凡卉藂歲晏多霜雪見別蕭艾中我欲食鴛雖千歲不一逢番之和律呂截作嶰谷筒一變為清商日暮來悲風清泉漑石根上有白雲封虛心抱靜節知音為誰容不如歸去來一竿釣清澧



又

白日淪西祀滄海無回波  
四時更代謝奈此遲暮  
何我欲制頽光惜無魯陽戈  
憑高望八荒矚眙迷  
山河驚風振江海山林無靜柯  
獸狂走四顧曠野  
迷絳羅西登廣武山北顧望三河  
蓬蒿蔽極目人  
少席狼多喟然發長歎拊劍徒悲歌

花下墓

山前樹今人看花昔人墓  
昔人栽花待邀賓花開  
墓上人何處今年花盡復明年  
今人復爲後人憐  
酒澆墓上喫不得番與飢鴉作寒食

勸王右丞獨坐幽篁裏

獨坐幽林下談玄復觀易  
西日隱半峰返照林間  
石石上多古苔山花間紅碧  
花落人不知山空水  
流出

和陶淵明擬古五首

小智多自私大方乃無隅  
一毫納萬象萬象非卷



舒日月為我燿天地為我廬曲士窘拘囚一身無  
容居我夢登日觀青天入平蕪俯視但一氣二豪  
彼何如

又

昔日穆天子侈心窮八荒崑崙入馬蹄遽廬視明  
堂王母為之謠白雲何茫茫憑高俯九州塊如螻  
蟻場歸來越河關萬冢壓崧邱遂令學仙者聞風  
為激昂漢武千秋露淮南八公方至今瑤池宴空

為後代傷

又

吾道無緇磷萬古常如茲奈何中智下謂彼不知  
時與世頗殊好譬彼澠與淄我欲質所從登高望  
九疑路逢古漁父長歌滄浪辭出門異所見退坐  
還自思當世固殊古古人不我欺翩翩出林鳥日  
暮將何之倚簷送歸盡聊欲弦吾詩

又



西土有佳人樓上拊雲和一鼓別鶴操弄弄求凰  
 歌絃聲幾欲絕哀響何其多昔為掌中珠今為路  
 傍花壯年不再得華落將如何

又

張衡詠思玄屈平賦遠遊高情薄雲天意氣隘九  
 州朝攀扶桑枝夕飲弱水流翻然不恣去無女哀  
 高丘嚴霜下百草歲律聿其周蕭蘭共憔悴已矣  
 吾何求

中秋

天風吹河漢明月懸清光清光不可掇流影入杯  
 觴吸此風露魄洗我冰炭腸向來功名心一笑雪  
 沃湯人生幾中秋彈指三萬場胡為置熱惱不使  
 心清涼此心如秋月虛明洞八方此身萬化中太  
 山一毫芒尚無物與我何者為彭殤推琴黃葉落  
 矯首白雲翔解衣一盤礴清境隨渺茫

送雷希顏赴涇州錄事李君美治中公廨南



樓坐中作

嚴霜枯百草搖蕩鴻鵠心翩翩萬里翼隨雲落西  
 南涇水東流不到燕送君落日孤雲邊聲名一日  
 天下白還作南樓坐中客西州自古多豪英作者  
 凜凜氣猶生太尉清風邁萬古不勞折筭筓此虜  
 男兒生不功名死無益莫言簿領卑凡職君不見  
 當時髯張一尉耳至今雙廟令人起

魯直烏絲欄黃庭

太清虛皇玉景經琅函瓊笈秘始清囊以雲錦金  
 鈿高回神守衛訶百靈中夜一氣存黃庭玄霜瓊  
 膏灌子形方瞳綠髮覓魄寧上壽千秋下百齡天  
 書夜降敕六丁控駕三素乘風冷鳳笙龍笳超冥  
 冥揚旌抗旆燿飛星八威吐毒驅雷霆擲火萬里  
 流金鈴仙人拂石刻不聽笑視人世風中螢世間  
 醉夢紛臙腥三尺調汝丹田顛有如尾閭泄滄溟  
 一朝神離鳥飛併洛翁書法出蘭亭名書此經實



自銘開卷恍然如酒醒養生新發庖丁研

同粹中師賦梅

寒梅雪中春高節自一奇人間無此花風月恐未  
宜不為愛冷艷不為惜幽姿愛此骨中香花餘嗅  
空枝影斜清淺處香度黃昏時可使飢無食不可  
無吾詩

游華山寄元裕之

我從秦川來遍歷終南游算行華陰道清快明雙

眸東風一夜橫作惡塵埃咫尺迷崑幽山神戲人  
亦薄相一杯未盡陰霾收但見兩崖巨壁插劍戟  
流泉夾道鳴琳瑯希夷石室綠蘿合金仙鶴駕空  
悠悠石門劃斷一峰出婆娑石上為遲留上方可  
望不可到崖傾路絕令人愁十盤九折羊角上青  
柯平上得少休三峰壁立五千仞其下無址傍無  
儔巨靈仙掌在霄漢銀河飛下青雲頭或云奇矇  
在高頂脚力未易供冥搜蒼龍嶺瘦苔蘚滑嵌空



石磴誰雕鏤每怜風自回山而下不見底惟聞松  
 聲萬壑寒颼颼捫參歷井到絕頂下視塵世區中  
 囚酒酣蒼茫瞰無際塊視五岳芥九州南望漢中  
 山碧玉簪亂抽沉復秦宮與漢關飄然聚散風中  
 漚上有明星玉女之洞天二十八宿環且周又有  
 千歲之玉蓮花開十丈藕如舟五鬣不朽之長松  
 流膏入地盤蛟虬采根食實可羽化方瞳綠髮三  
 千秋時聞笙簫明月夜芝輶羽蓋來瀛洲乾坤不

老青山色日月萬古無停輶君且爲我挽回六龍  
 轡我亦爲君倒却黃河流終朝汗漫遊八極乘風  
 更覓元丹丘

和淵明飲酒九首

翩翩萬里鶴日暮將何之昏鴉擇所安笑汝不知  
 時孔席不暇暖此理吾不疑尚愧淵明翁濁酒時  
 一持

又



貧賤豈不苦仰慕冥鴻飛富貴豈不樂乃有黃犬  
 悲苦樂各異趣嗜好從所依我欲作九原獨與淵  
 明歸挂冠不待年況此齒髮衰遙酌一杯酒毋令  
 寸心違

又

秋菊有至性霜松無俗姿采采黃金花笑拊蒼煙  
 枝偶有杯中物成此一段奇白雲南山來出岫復  
 何為醉卧東籬下聊脫人間羈

又

今日好天色清晨雪雲開東風如故人適我平生  
 懷坐見南來燕孤雌與雄來算婦主人堂梁間有  
 雙栖巢傾覆其子又補新巢泥翩翩隨陽雁幽貞  
 苦難諧江湖偶相失咫尺雲路迷哀哀霜雪際獨  
 向胡天回

又

驚鳥閉籠中舉翮觸四隅騏驎駕藍車弱蹠困中



途雖然遭識拔未免為人驅傍觀信美矣自愧良  
有餘不如兩無累還我田園居

又

千載淵明翁誰謂不知道謾賦責子詩調戲以娛  
老杜陵蓋自況亦豈恨枯槁壺觴清濁共適意無  
醜好婦來五柳宅守我不貪寶長嘯天地間獨立  
萬物表

又

幽居淡無事雅志了玄經眼花憎文字悠悠竟無  
成中夜起不寐披衣守寒更梅竹散清影素月流  
廣庭孤鶴閱逸響切切寒蟲鳴拊卷長歎息慷慨  
惻中情

又

漢儒傳注學未為世所得秦火少完書豈免烏焉  
惑後儒補罅漏聖道少開塞俗士喜持戈又一秦  
相國且共歡一觴多言不如默



淵明非嗜酒愛此酒中真謂言忘憂物中有太古  
 淳回首市朝中萬事牛毛新去年持使節悠悠過  
 西秦宮闕隨飛煙衣冠化埃塵當年憑軾士慷慨  
 歎徒勤所以山林客樂與魚鳥親西登太華頂曠  
 望長河津寄謝三山雲聊欲濫吾巾誓將從此去  
 笑謝當塗人

和韋蘇州秋齋獨宿

冷暈侵殘燭雨聲在深竹驚鳥時一鳴寒枝不成  
 宿

擬兵衛森画戟

冠帶事朝謁清坐彈鳴琴以彼塵外趣遠我遺世  
 心岸憤送歸鳥隱几見遥岑聊同靜者樂豈必居  
 山林

寄王學士子端

寄語雪溪王處士年來多病復何如浮雲世態紛



紛變秋草人情日日疎李白一杯人影月鄭虔三  
絕画詩書情知不得文章力乞與黃華作隱居

上清宮二首

霜葉蕭蕭覆井欄朝元閣上玉箏寒千年遼鶴歸  
華表萬里宮車泣露盤日上霧塵迷碧瓦夜深月  
露洗荒壇斷碑膾炙人何在吏部而今不姓韓

又

暇日登臨近吹臺夷門城下訪寒梅鼇頭他日幾

人在尊酒而今一笑開秋潦滲餘村徑出夕春歇  
處野禽來醉婦扶路人爭看知是詩仙閨苑回

寄陳正叔

渺渺西風去翼輕長林風葉動秋聲嵩邱覓秀容  
多可河洛交流忌獨清廣武山川迷故壘成臯草  
木闕空城憑高一掬英雄淚寄與窮途阮步兵

寄裕之

久雨新晴散痺頑一軒涼息坐中間樹頭風寫無



窮水天末雲移不定山宦味漸思生處樂人生難  
得老來閒紫芝看字何時見誰與嵩山共往還

古餅臘梅

石冷銅腥苦未清瓦壺溫水照輕明土花暈碧龍  
紋澀燭淚痕疎鴈字橫未許功名歸鼎鼎且收風  
月入瓶罌嬌黃喚醒朝陽夢漢苑荒涼草棘生

算春得寒字

九日駢偷一日閒三分春事二分闌鄉關夢裏人

空老風雨夜來花又殘乍拆泥封鮫酒款未聞火  
禁粥錫寒却思投劾歸田去楊柳陰中把釣竿

靈感寺

徒河岸北白蓮東法鼓驚飛碣石鴻塢上風烟高  
鳥路山頭雲雨仁人宮松林礙日蜂房冷石砌頽  
沙蟻穴空欲盡休公揮麈樂鬢絲羞對落花風

五月牡丹應制

好事天工養露芽陽和趁及六龍車天香護日迎



朱輦國色留春待翠華  
穀雨曾霑青帝澤薰風又  
卷赤城霞金槃薦瑞休  
嗟晚猶是人間第一花

代州

金波曾醉鴈門州  
端有人間六月秋  
萬古河山雄  
朔部四時風月入南樓  
漢家戰伐雲千里  
唐季英雄土一丘  
繫馬朱闌重回首  
烟波誰在釣魚舟

開元寺

歲久開元寺  
黃花落石龍  
瓶深添碧甃  
蝸壁篆金

容窗影年年  
塢禽棲夜夜  
鍾平生睡  
秋雨竹閣味  
偏濃

謁北嶽

曰大神儀一群山  
太茂尊奠方荒  
冀宅視禮配天  
西送虞淵  
算東瞻碣石  
瞰寶符臨代郡  
鐵甃扼并門  
控趙襟形壯  
色燕氣象渾  
九河探禹跡  
萬里叫虞  
龜在昔登封  
始前驅羽衛  
繫千官駢部  
曲萬騎隘山  
樊卜地恒陽  
曲移祠秦始  
元

晉移祠  
荒碑



刊歲月飛石碣乾坤帝秩加黃屋宮居象紫垣雲  
櫓朽芝瑞雨砌裂槐根天業恢弘大山靈翊衛屯  
巫閭婦帝製長白發金源九廟龍盤接三邦地勢  
吞雲烟浮近甸日月遠中原款謁天香重封題御  
署存銀鏐諸產富雷雨萬靈奔神聽羞回德天聰  
納正言負時身九死去國淚雙痕日近趨天關生  
還託聖恩許身徒稷契無術補義軒帝籙長桑洞  
仙巖張果村卜居如可近重整北山轅

陪李舜咨登憫忠寺閣

日月躔雙拱風烟納寸眸雲山浮近甸宇宙有高  
樓島外餘殘照天邊更去舟登臨有如此况接李  
膺遊

廬州城下

月暈曉圍城風高夜斫營角聲寒水動弓勢斲鴻  
驚利鏃穿吳甲長戈斲楚纓回看經戰處慘淡暮  
寒生



白鴈

波淨影逾白  
 霜清鳴更哀  
 乾坤雙鬢老  
 風雪一聲來  
 林迴隱猶見  
 天長去復回  
 物情嫌太潔  
 莫使羽毛催

桃花島寄王伯直

冰破村橋擁  
 春寒旅鴈低  
 遠山封霧小  
 高浪與雲齊  
 島寺明松雪  
 潮舡濺藕泥  
 詩情吟不盡  
 寄與画

中題

郎山馬耳峯

房駟落人間  
 入石露雙碧  
 月明聞夜嘶  
 驚落山頭石

春遊三首

無數飛花送  
 小舟蜻蜒款  
 立釣絲頭一  
 溪春水關何事  
 皺作風前萬疊愁

又

樹藏脩竹竹藏門  
 門外清流幾股分  
 行過小橋人



不見背陰花氣隔墻聞

又

烟外絲絲風柳斜春光也自到天涯太平有象邨  
邨酒寒食無家處處花

算歸

貪看孤鳥入重雲不覺青林雨氣昏行過斲橋沙  
路黑忽從電影得前村

清居寺五杉亭觀子野畱題

五杉今日只三株曾是詩人歎息餘君去我來杉  
尚在斲腸君歿見君書

雞鳴山

烟蒸山腹晴猶溼河帶冰漸暖漸流獨上雞鳴看  
日出五雲多處是皇州

盧溝

河分橋柱如瓜蔓路入都門似犬牙落日盧溝溝  
上柳送人幾度出京華



雨晴二首

東風時送瓦溝聲  
欹枕幽窗夢自驚  
睡起不知雲已散  
夕陽偏向柳梢明

又

一抹平林媚夕暉  
山烟漠漠燕飛飛  
倚闌遙認天邊電  
何處行人帶雨歸

寓望

蒲根閣閣亂蛙鳴  
點水楊花半白青  
隔岸風來聞

鼓吹柳陰深處有園亭

戴花

病來杯酒懶重持  
強爲花殘折一枝  
人老易悲花易落  
東風休近鬢邊吹

玉堂

玉堂陰合冷窗紗  
雨過銀泥引篆螭  
萱草葳蕤俱不見  
蜂聲滿院採槐花

夏至



玉堂睡起苦思茶  
別院銅輪碾露芽  
紅日轉堦簾影薄  
一雙蝴蝶上葵花

華山

石頭犖确水縱橫  
過雨山間草屨輕  
未到上方先滿意  
倚天青壁看雲生

雨晴

一春不雨漫塵黃  
碧瓦朝來汎霽光  
畱得紫威花上露  
幾招渴燕下雕梁

即事

蒼頭不見莫山重  
遙認青林雨意濃  
一陣風來忽吹散  
斷雲還補兩三峯

同樂署二首

春歸空苑不成妍  
柳影毵毵水底天  
過却清明遊客少  
晚風吹動釣魚船

又

石在垣牆竹葉門  
水回山復幾桃源  
毛飄水面知




登榭角出墻頭認鹿園

繫舟山圖 裕之先大夫嘗居此山之東崑

山頭佛屋五三間山勢相連石嶺關名字不經從

我改便稱元子讀書山

虎字



東枕洪濤自古英雄爭虎牢蒼天胡為取

使鐵骨如山高

終



